

ხელშეკრულება სახელმწიფო შესყიდვის შესახებ N12/76

პენიტენციური სისტემის პოლიტიკის შემუშავება, მართვა და ბრალდებულ/მსჯავრდებულთა ყოფითი პირობების გაუმჯობესება 270101
გამარტივებული შესყიდვა

28 დეკემბერი 2016 წელი

ქ. თბილისი

ერთი მხრივ, საქართველოს, სასჯელაღსრულებისა და პრობაციის სამინისტრო (შემდგომში "შესყიდველი") მინისტრის მოადგილის თეიმურაზ მღებრიშვილის სახით და მეორე მხრივ შპს „ბეიქერი“ (შემდგომში "მიწოდებელი") წარმოდგენილი დირექტორის თამაზ ველიჯანაშვილის სახით, ორმხრივი შეთანხმების საფუძველზე, საქართველოს კანონის 10¹ მუხლის მე-3 პუნქტის „დ“ ქვეპუნქტის, სახელმწიფო შესყიდვების სააგენტოს SMP160002960 თანხმობის, საქართველოს მთავრობის 2016 წლის 15 დეკემბრის N2578 განკარგულებისა და 2016 წლის 14 სექტემბერს გამოცხადებული ელექტრონული აუქციონის (განაცხადი #58145FPO34285116, აუქციონის #58145, ლოტი #342851) შედეგად 2016 წლის 19 სექტემბერს გამოფრებული იჯარის ხელშეკრულების გათვალისწინებით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს სასჯელაღსრულებისა და პრობაციის სამინისტროს პენიტენციური დეპარტამენტის საჭიროებისათვის „ბრალდებულთა და მსჯავრდებულთა კვების ნორმებისა და სანიტარიულ-ჰიგიენური ნორმების განსაზღვრის შესახებ“ საქართველოს სასჯელაღსრულებისა და პრობაციის მინისტრისა და საქართველოს შრომის, ჯანმრთელობისა და სოციალური დაცვის მინისტრის 2015 წლის 13 აგვისტოს №88-№01-34/ნ ერთობლივი ბრძანებისა და პრობაციის სამინისტროს პენიტენციური დეპარტამენტის სპეციალური დანიშნულების ძალების მთავარი სამმართველოს მოსამსახურეთა, საქართველოს სასჯელაღსრულებისა და პრობაციის სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს მოსამსახურეთა და საქართველოს სასჯელაღსრულებისა და პრობაციის სამინისტროს სავალდებულო სამხედრო მოსამსახურეთა მატერიალურ-სასურსათო უზრუნველყოფის ნორმების განსაზღვრის შესახებ“ საქართველოს სასჯელაღსრულებისა და პრობაციის მინისტრის 2015 წლის 25 ნოემბრის N165 ბრძანების შესაბამისად პურის შესყიდვა. (CPV15800000 -სხვადასხვა საკვები პროდუქტი).

2. შესყიდვის ობიექტი

შესყიდვის ობიექტია პური.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს: **184 061.57 ლარს (ასოთხმოცდაოთხიათას სამოცდაერთი ლარი და 57 თეთრი)**

3.2. ხელშეკრულების 3.1. პუნქტში აღნიშნულ ფასში შედის საქართველოს კანონმდებლობით გათვალისწინებული ყველა შესაბამისი მოსაკრებელი და გადასახადი.

3.3. შესყიდვის ობიექტების რაოდენობა, ერთეულის და საერთო ღირებულება განისაზღვრება დანართი N1-ის შესაბამისად, რომელიც თან ერთვის წინამდებარე ხელშეკრულებას.

3.4. ხელშეკრულების 3.3. პუნქტში აღნიშნული დანართი 1 (ერთი) ფურცლად წარმოადგენს ხელშეკრულების განუყოფელ ნაწილს.

4. მიწოდებული საქონლის ხარისხი, გარანტია, მიწოდების ვადა და ადგილი

4.1. მიმწოდებელი მოწოდებულ პროდუქტიაზე იძლევა გარანტიას რომ, დანართი N1-ით გათვალისწინებული შესყიდვის ობიექტი იქნება შესაბამისობაში ხელშეკრულებასთან და დანართი N1-ით განსაზღვრულ პირობებთან;

4.2. ხელშეკრულებით განსაზღვრული შესყიდვის ობიექტების მიწოდება უნდა განხორციელდეს 2017 წლის პირველი იანვრიდან 2017 წლის 31 იანვრის ჩათვლით;

4.3. ხელშეკრულებით განსაზღვრული შესყიდვის ობიექტების მიწოდების ადგილია პენიტენციური დეპარტამენტის პატიმრობისა და თავისუფლების აღკვეთის დაწესებულებები:

დაწესებულებები	მისამართი
#2 დაწესებულება	ქ. ქუთაისი, ხარებავას ქ. #85
#3 დაწესებულება	დაბა ხელვაჩაური, ურეხის დასახლება
#5 დაწესებულება	გარდაბნის მუნიციპალიტეტი, სოფ. მთისძირი
#6 დაწესებულება	გარდაბნის მუნიციპალიტეტი, სოფ. მთისძირი
#7 დაწესებულება	ქ. თბილისი, გულუას ქ. #31
#8 დაწესებულება	ქ. თბილისი, გლდანის მე-7 მ/რ, მე-2 კმ
#9 დაწესებულება	ქ. თბილისი, აბუსერიძე-ტბელის ქ. #11
#11 დაწესებულება	ქ. თბილისი, გრ. ხანძთელის ქ. #3
#12 დაწესებულება	ქ. თბილისი, გორგასლის ქ. #77
#14 დაწესებულება	ქ. წყალტუბო, სოფელი გეგუთი/ვარციხის დასახლება
#15 დაწესებულება	მცხეთის მუნიციპალიტეტი, დაბა ქსანი
#16 დაწესებულება	ქ. რუსთავი, მშენებელთა ქ. #60
#17 დაწესებულება	ქ. რუსთავი, მშენებელთა ქ. #64
#18 დაწესებულება	ქ. თბილისი, გლდანის მე-7 მ/რ, მე-2 კმ
#19 დაწესებულება	მცხეთის მუნიციპალიტეტი, დაბა ქსანი
სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველოს გარე დაცვის სამმართველოს სავალდებულო სამხედრო მოსამსახურეები	ქ. წყალტუბო, სოფელი გეგუთი, ვარციხის დასახლება ქ. რუსთავი, მშენებელთა ქ. №64 ქ. რუსთავი, მშენებელთა ქ. №60
პენიტენციური დეპარტამენტის სწრაფი რეაგირების სპეციალური დანიშნულების მთავარი სამმართველო	ქ. რუსთავი, მშენებელთა ქ. №60

5. საქონლის მიღება-ჩაბარების წესი

5.1. შესყიდვის ობიექტის (მომსახურების) მიღება ფორმდება ყოველდღიური მიღება-ჩაბარების აქტით, რომელიც დასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით და ინახება შესაბამისი დაწესებულების ადმინისტრაციაში, ყოველდღიური მიღება-ჩაბარების აქტების საფუძველზე მიმწოდებლისთვის სასურველი სიხშირით

დგება შემაჯამებელი მიღება-ჩაბარების აქტი, რაც იგზავნება სამინისტროს შესაბამის სამსახურებში მიწოდებული პროდუქციის ღირებულების ანაზღაურების მიზნით.

5.2. ხელშეკრულების 5.1. პუნქტში აღნიშნული მიღება-ჩაბარების აქტის ხელმოწერაზე უფლებამოსილია შემსყიდველის მხრიდან პენიტენციური დაწესებულების შემთხვევაში შესაბამისი დაწესებულების დირექტორი ან დირექტორის მოადგილე, სპეციალური დანიშნულების ძალების მთავარი სამმართველოს შემთხვევაში მთავარი სამმართველოს უფროსი ან შტაბის უფროსი, გარე დაცვის სამმართველოს ტექნიკური უზრუნველყოფისა და პირადი შემადგენლობის მომზადების განყოფილების უფროსი ან უფროსის მოადგილე, ასევე გარე დაცვის სამმართველოს N17 განყოფილების უფროსი ან მოადგილე ხოლო შემსრულებლის მხრიდან დირექტორი ან მის მიერ უფლებამოსილი პირი.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.3 ანგარიშსწორების განხორციელებისათვის მიმწოდებელმა უნდა წარმოადგინოს 5.1. პუნქტში აღნიშნული მიღება-ჩაბარების აქტი, ანგარიშგაქტურა და სასაქონლო ზედნადები.

6.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.3. პუნქტით განსაზღვრული დოკუმენტაციის წარდგენიდან არაუგვიანეს 10 (ათი) სამუშაო დღის ვადაში.

6.5. მიმწოდებელმა ანგარიშსწორების განხორციელებისათვის 6.3 პუნქტში მითითებული დოკუმენტაცია თუ არ წარუდგინა შემსყიდველს შესყიდვის ობიექტის მიწოდების დამთავრების დღიდან 3 (სამი) თვის განმავლობაში, მიმწოდებელი 3 (სამი) თვის გასვლის შემდეგ კარგავს შესყიდვის ობიექტზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

6.6. განსაკუთრებულ შემთხვევაში, შემსრულებლის დასაბუთებული მომართვის საფუძველზე, სამინისტროს უფლება აქვს მიიღოს გადაწყვეტილება წინასწარი ანგარიშსწორების შესახებ. შემსრულებლის მხრიდან წინასწარ გადასახდელი თანხის იდენტური ოდენობის საბანკო/სადაზღვევო გარანტიის წარმოდგენის შემთხვევაში. გარანტიის მოქმედების ვადა მინიმუმ 30 დღით უნდა აღემატებოდეს მომსახურების გაწევის დასრულებისათვის განსაზღვრულ ვადას.

7. მხარეთა ვალდებულებები და უფლებები

7.1. შემსყიდველი ვალდებულია:

ა) დაწესებულების დირექტორმა, გარე დაცვის სამმართველოს შესაბამისი განყოფილების უფროსმა და სპეციალური დანიშნულების მთავარი სამმართველოს უფროსმა ყოველდღიურად (არაუგვიანეს 18 საათისა) კომპანიას უნდა მიაწოდონ მათ დაწესებულებაში არსებული ბრალდებულების/მსჯავრდებულების და მოსამსახურეთა რაოდენობის შესახებ ინფორმაცია, 18 საათის შემდეგ შესაძლოა საბადრაგო სამმართველოს მიერ დამატებით იქნეს მიწოდებული ინფორმაცია მხოლოდ გადაუდებელი სამედიცინო დახმარების მიღების მიზნით გაყვანილ პირთა შესახებ. აღნიშნული შეტყობინება შესაძლებელია განხორციელდეს წერილობითი ფორმით ან/და ელ.ფოსტის მეშვეობით მიმწოდებლის მიერ განსაზღვრულ ელ.ფოსტის მისამართზე. იმ შემთხვევაში თუ რომელიმე დღეს არ განხორციელდა ამ პუნქტში მითითებული ინფორმაციის შეტყობინება, მიმწოდებელმა უნდა იხელმძღვანელოს ბოლო დღეს მიწოდებული ინფორმაციით.

ბ) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

გ) უზრუნველყოს საქონლის მიღება.

7.2. შემსყიდველს უფლება აქვს:

ა) შეამოწმოს საქონლის ხარისხის და რაოდენობის შესაბამისობა ხელშეკრულებასთან და დანართი N1-თან.

7.3. მიმწოდებელი ვალდებულია:

ა) მიაწოდოს შემსყიდველს ხარისხიანი საქონელი შესაბამის დაწესებულებასთან წინასწარ შეთანხმებული გრაფიკის მიხედვით;

ბ) დაიცვას ხელშეკრულებით და დანართი N1 - ში გათვალისწინებული ყველა პირობა;

გ) შემსყიდველს წარუდგინოს 6.3 პუნქტით გათვალისწინებული დოკუმენტაცია

დ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამოძვევი მიზეზების შესახებ.

7.4. მიმწოდებელს უფლება აქვს:

ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი/უხარისხო შესრულების შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 1 (ერთი) პროცენტის ოდენობით, თითოეულ შემთხვევაზე ცალცალკე.

8.2. საქონლის დაგვიანებით მიწოდების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 0.5 პროცენტის ოდენობით.

8.3. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო სახელშეკრულებო ღირებულების 10 (ათი) პროცენტის ოდენობით.

9. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2017 წლის 15 მარტამდე.

10. ხელშეკრულების პირობების გადასინჯვის შესაძლებლობა

10.1. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

11.2. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს წერილობით ფორმით მიზეზის მითითებით, ან სატელეფონო შეტყობინებით, რომელიც უნდა დაადასტუროს შემდგომ წერილობითი ფორმით.

11.3. ფორს-მაჟორული გარემოების არსებობა დადასტურებული უნდა იყოს სათანადოდ უფლებამოსილი ორგანოს მიერ.

12. ხელშეკრულების ინსპექტირების პირობები

12.1. საქონლის მიწოდების პარალელურად შემსყიდველი უფლებამოსილია განახორციელოს ინსპექტირება და წარმოადგინოს ინსპექტირების აქტი მიღება-ჩაბარების აქტის გაფორმებიდან არაუგვიანეს 5 (ხუთი) კალენდარული დღისა.

12.2. ინსპექტირების აქტში მითითებული უნდა იყოს საქონლის რაოდენობა და აღმოჩენილი ნაკლი (იმ შემთხვევაში თუ ნაკლი თვალნათლიანია).

12.3. ვიზუალური დათვალიერების დროს, შემსყიდველი ვალდებულია დაუყონებლივ წერილობით აცნობოს მიმწოდებელს აღმოჩენილი დეფექტის ან/და ნაკლის შესახებ და მოითხოვოს მიმწოდებლის ხარჯით მისი აღმოფხვრა.

12.4. ინსპექტირების აქტის საფუძველზე საჭიროების შემთხვევაში მოწოდებულ საქონელს ჩაუტარდება ექსპერტიზა.

12.5. შემსყიდველის მხრიდან ხელშეკრულების შესრულების კონტროლს განახორციელებს მინისტრის მიერ უფლებამოსილი პირი.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის ან/და სატელეფონო შეტყობინების შემდეგ, თუ:

ა) მიმწოდებელს ხელშეკრულებით გათვალისწინებულ ვადაში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

გ) ხელშეკრულების ვადის გასვლის საფუძველზე;

დ) ურთიერთ შეთანხმების საფუძველზე;

13.2. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

13.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

14. ხელშეკრულების შესრულების უზრუნველყოფის გარანტია

14.1. მიმწოდებელი წარმოადგენს 3 681,23 (სამიათას ექვსასოთხმოცდაერთი ლარი და 23 თეთრი) ლარის ოდენობით ხელშეკრულების უზრუნველყოფის საბანკო გარანტია.

14.2. ხელშეკრულების უზრუნველყოფის საბანკო გარანტია ძალაშია 2017 წლის 30 აპრილის ჩათვლით.

14.3. ხელშეკრულების უზრუნველყოფის საბანკო გარანტია წარმოადგენს ხელშეკრულების განუყოფელ ნაწილს.

14.4. მიმწოდებლის მიერ ხელშეკრულებით გათვალისწინებული ვალდებულების დარღვევის (ხელშეკრულებით გათვალისწინებული ვალდებულების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება და მიიქცევა სახელმწიფო ბიუჯეტის სასარგებლოდ. გარანტია არ დაუბრუნდება ასევე მიმწოდებელს იმ შემთხვევაში თუ იგი უარს აცხადებს დაკისრებული პირგასამტეხლოს გადახდაზე (პირგასამტეხლოს პროპორციულად).

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. სხვა პირობები

16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ერთი მიმწოდებელთან და ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

17. მხარეთა რეკვიზიტები

„შემსყიდველი“	„მიმწოდებელი“
საქართველოს სასჯელაღსრულებისა და პროზაციის სამინისტრო მის: ქ. თბილისი, ს. ეულის ქ. N3 ს/კ 204564934 სახელმწიფო ხაზინა კოდი: ს/კ 220101222; ა/ა 200122900 მინისტრის მოადგილე  /თეიმურაზ მღებრიშვილი/ 	შპს „ბეიქერი“ მის: ქ. თბილისი, დ/დილომი მე-3 მკ.რ კ23.ბ.6 ს/კ 405157477 სს „ბანკი ქართუ“ ბ/კ „CRTUGE22“ ა/ა GE35 CR00 3000 9415 5036 02 დირექტორი  /ლამაზ ველიჯანაშვილი/ 

#	ტექნიკური აღწერა	კატეგორია	დღიური ნორმა	კოლონაზის ღირებულება	დღიური ღირებულება	დღ	ჯამური ღირებულება (31 დღე)
1	პენიტენციურ დაწესებულებებში მოთავსებული ბრადლებული/მსჯავრდებულები	9800	0.5	1.1	5390	31	167,090.00
2	საპენიტენციური დაწესებულების მოვარი სამმართველოს მომსახურეები	153	0.9	1.1	151.47	31	4,695.57
3	სამინისტროს პენიტენციური დეპარტამენტის გარე დაცვისა და ბადავგების მთავარი სამმართველოს გარე დაცვის სამმართველოს სავალდებულო სამხედრო მოსამსახურეები	400	0.9	1.1	396	31	12,276.00
							184,061.57



„მომწოდებელი“

შპს „ბეიერი“

თამაზ ველიჯანაშვილი

№ 2/110/

"29" 12 2016

საბანკო გარანტია #5379-12/16

გარანტი: სს „ბანკი ქართუ“ (ს/კ 204891652)
ბენეფიციარი: საქართველოს სასჯელაღსრულებისა და პრობაციის სამინისტრო (ს/კ 204564934)
პრინციპალი: შპს „ბიქერი“ (ს/კ 405157477)
თანხა: 3,681.23 (სამიათასეცხასოთხმოცდაერთი და 23/100) ლარი

ჩვენთვის ცნობილი გახდა, რომ თანახმად ბენეფიციარის 2016 წლის 28 დეკემბრის წერილისა (MOC 5 16 01054140), საკვები პროდუქტის (პურის) შესყიდვაზე ბენეფიციარსა და პრინციპალს შორის სახელმწიფო შესყიდვის შესახებ ხელშეკრულების #12/76 (შემდგომში „ხელშეკრულება“) ფარგლებში, პრინციპალის სახელშეკრულები ვალდებულებების შესრულების უზრუნველყოფის მიზნით, ბენეფიციარის მიერ მოთხოვნილია საბანკო გარანტიის წარდგენა სახელშეკრულებო ღირებულების 2% ოდენობით.

ზემოაღნიშნულის გათვალისწინებით და პრინციპალის თხოვნით, ჩვენ, ს.ს. „ბანკი ქართუ“ (შემდგომში „გარანტი“), ვკისრულობთ უპირობო და გამოუთხოვად ვალდებულებას ყოველგვარი დაგვიანების გარეშე, ბენეფიციარის საგადახდო მოთხოვნის მიღების თარიღიდან შვიდი სამუშაო დღის ვადაში, გადავიხადოთ ნებისმიერი თანხა ან თანხები, რომელიც (რომლებიც) ჯამში არ აღემატება:

3,681.23 (სამიათასეცხასოთხმოცდაერთი და 23/100) ლარს.

მოთხოვნა ანაზღაურებაზე ბენეფიციარის მიერ წარდგენილი უნდა იყოს უფლებამოსილი პირის მიერ ხელმოწერილი, ბეჭდით (ასეთი არსებობის შემთხვევაში) დადასტურებული წერილობითი ფორმით, მოთხოვნილი თანხის და ბენეფიციარის საბანკო რეკვიზიტების მითითებით, სადაც აღწერილი იქნება პრინციპალის მიერ ხელშეკრულებით ნაკისრი ვალდებულებების შეუსრულებლობის ან არასრული შესრულების ფაქტი ან ფაქტები. მოთხოვნას თან უნდა ერთვოდეს წინამდებარე საბანკო გარანტიის ასლი და მოთხოვნაზე ხელმოწერი პირის უფლებამოსილების დამადასტურებელი დოკუმენტი.

წინამდებარე საბანკო გარანტია ძალაშია 2017 წლის 30 აპრილის ჩათვლით.

აღნიშნულიდან გამომდინარე, საგადახდო მოთხოვნის ორიგინალი წარდგენილი უნდა იყოს გარანტიის ვადის გასვლამდე შემდეგ მისამართზე: ს.ს. „ბანკი ქართუ“, ილ. ჭავჭავაძის გამზ. #39ა, 0162 თბილისი, საქართველო.

საბანკო გარანტიის თანხა ავტომატურად შემცირდება გარანტის მიერ ბენეფიციარის საგადახდო მოთხოვნის საფუძველზე გადახდილი თანხების ოდენობით.

წინამდებარე საბანკო გარანტია ავტომატურად გაუქმდება: ა) ბენეფიციარის მიერ თავის უფლებებზე წერილობითი უარის წარმოდგენისა და/ან გარანტიის ორიგინალის დაბრუნებით გარანტისათვის; ბ) ამ საბანკო გარანტიის ვადის გასვლით.

ბენეფიციარის მოთხოვნის უფლების გადაცემა მესამე პირზე შესაძლებელია მხოლოდ გარანტის თანხმობით.

საბანკო გარანტიის გარშემო წარმოქმნილი ნებისმიერი დავის გადაჭრა მოხდება საქართველოს მოქმედი კანონმდებლობის თანახმად.

ზურაბ გოგუა

კომერციული დირექტორი

